

IOANNES PLAETH HEIDELBERGENSIS PROFESSOR:



Ioannes Plaeth uir in summis scripturis doctissimus, & in Aristotelica philosophia optimè exercitatus. Itaque factum ut gymnasij Heidelbergensis decus & columnna extiterit. Ibi enim Robertus senior Palatinus Rheni anno millesimo trecentesimo quadragesimosexto Academiam fundarat. Erat is Iohannes fœlicissimo ingenio præditus, sermone scholasticus, atque uitæ innocentia conspicuus. In habendis quoque sermonibus ob raram eloquentiam cæteros omnes superabat. scripsit inter cætera magnum & insigne uolumen super De cretales, quod in Vniuersitate Heydelbergensi ordinariè & publicè legit. præterea contra Boemos librum, & Sententiarum questiones cum multis alijs, floruit sub Sigismundo Cæsare anno 1420, Trit.